




## Öven to Desktop un Dialogfenster

1. Waveel Indrääg hett **Start | Programme** op SeEhrn Rekner? Waveel dorvun hebbt Ünnermenüs?
2. Treckt Se alle Symbole op SeEhrn Desktop an ünnerscheidlich Steden. Acht Se dorbi dorop, dat Se jüm nich övernanner treckt! (Woso? Na, wenn Se wat op dat **Papierkorb**-Icon treckt, meent Windows, Se wüllt dat wegsmieten!)
3. Ropt Se dat Kontextmenü vun'n Desktop op un wählt Se den Befehl **Am Raster ausrichten**. Wat passeert?
4. Probeert Se nu den Befehl **Symbole anordnen | Automatisch anordnen** ut dat Kontextmenü vun'n Desktop, so dat dor de Hoken vörsitt. Treckt Se de Symbole nochmal an ünnerscheidlich Steden. Klappt dat?
5. Maakt Se den Hoken, den Se in Punkt 3 sett hebbt, wedder weg.
6. Wat för Symbole giff dat in SeEhr Schnellstartliest? Leest Se de Quickinfos vun de Symbole.
7. Ünnersöök Se de Kontextmenüs vun alle Elemente op SeEhrn Desktop:

- vun de verscheden Icons (Symbole) op'n Desktop,
- vun'n Dektop sülven,
- vun'n Startknoop,
- vun'e Taskliest,
- vun'e verscheden Icons (Symbole) in de Schnellstartliest und in't Systray.

**To Punkt 8:  
Umbenennen**



8. Nehmt Se sik dat Icon vun'n **Arbeitsplatz** vör. Gaht Se in't Kontextmenü un wählt Se **Umbenennen**.
9. De Naam is nu blaaß ünnerleggt, d.h. markeert. Wenn Se nu tippt, warrt dat blaaß Ünnerleggte ersett. Tippt Se en Naam, de Se gefallt. Dat kann ok'n langen Naam ween!  
Wenn Se fardig sünd, drückt Se **Enter**. Denn warrt de Naam annahmen.
10. Versöök Se dat **Umbenennen** ok mit annere Icons op'n Desktop! Dat geiht nich bi alle. De Papierkorb t.B. lett sik nich ümnöömen.
11. Gaht Se in't Kontextmenü vun'n Desktop-Hinnergrunn un wählt Se dor den Befehl **Eigenschaften**.

**To Punkt 11:  
Eigenschaften**

12. Bekiekt Se sik dat grote Dialogfenster, wat nu opgahn is. Klickt Se op de Laschen vun de enkelten Registerkoorten. Jümmers kümmt en annere Registerkoort na vörn.

**Registerkoorten** deent darto, mehrere Dialogfenster in een ünntobringen! Dör de Registerkoorten köönt de Dialogfenster achternanner „stapelt“ warrn, un bloots de Laschen kiekt rut. Klickt Se op en Lasch, kümmt dat ganze Fenster na vörn.

Beendt Se dat Fenster mit **Abbrechen**, wenn Se wat verännert hebbt.

